

文谷漁嬉稿

己巳隆慶三年

春日林間有懷趙陽谿使君

新年光景不曾新  
自判鴻蒙有此春  
喚雨催耕少昊鳥  
含哺擊壤帝堯人  
林花但簇當初錦  
野草還鋪太古茵  
酒汎東風思共御  
龍門老友性情真

正月十日小堂春宴和西臯宗正

喜逢青帝送韶光  
更得朱軒賁小堂  
酒盃舊香今日共  
菜盤真味幾人嘗  
凍迴園草生將綠  
老至頭毛變已黃  
好景不應閑放過  
只愁



花鳥笑空囊

聞鴈

陽鳥通春信歸飛紫塞雲  
啣蘆方尚武擺字  
復成文海闊愁單緒沙平  
愜乘群流音雜  
怨情感思紛紛

寒食西岡二首

山後山前丘壟村南村北  
人家烟火蕭條時  
候紙錢飛共楊花  
萬戶尉陵西里墓田丙舍  
東家門外青垂柳  
色窓前紅暎桃花

二月十五日口號

美錦如春一段誰將刀尺中  
分岸柳愁遲著  
線園花欲早穿裙  
不分花間宿雨生  
憎水上浮雲是彼流  
將春去教人錯怨東君

和西臯春日登城之作用韻

高城獨上思寥寥  
廣野春晴入望遙  
鴈字寫雲江樹暖  
羽書沉月塞烽消  
酒家半向東林閣  
詩社平臨北渚橋  
此地見之能下否  
同歌擊壤聖明朝

贈程一山叅戎始建牙汾郡一首

北闕授符推轂後西河分閫建牙初弘修軍  
禮昭文幕遠關兵威到朔廬戍靜關山和月  
唱氓安隴畝帶經鋤方知上將收全勝頓令  
邊庭絕羽書

春寒一首

造物原無我春光此地難已逢三月暮猶作  
一冬寒雨雪時相雜風沙日幾搏下帷踈講  
誦寂默按愁端

贈孝義葉丞膺獎代人作

儒紳佐邑最稱賢見獎中丞問俗年日對古  
松閑政理時思長劔掃風烟旌書花鳥韶光  
煥賀客衣冠喜氣偏試向雉樓同極目滿犁  
膏雨潤郊田

三月十有二日王生允承行年四十允  
承吾先友桐菴先生之遺孤也蓋及髫  
而遊吾門今亦長焉如是因感而賦之  
少年頭角好凌雲今日昂藏未策勲學久可  
能明似聖功深應自老於文風前烟柳朝無  
賴月裏天香晚更芬四十古來名強仕通家

迂叟望彌勤

晚春與康老共酌

桃花隨雨逐東流楊柳牽風繞指柔坐惜芳  
春三月晏行招野老一杯酬偶因藉草依山  
足不為看雲到水頭身世似將無係恠信歸  
渾比汎虛舟

立夏日偶書

未展春遊春遽殘夏陰早已拂林端禽言翻  
出玫瑰朶花氣飄來芍藥欄天外數峰雲突  
兀池邊孤館竹檀欒流光荏苒乾坤事栖息

長遺野老安

四月五日宴小田宅

思親降執友念舊款通家水翠斟名酒泉珠  
淪好茶坐深花困蝶歸晚樹栖鴉自賞清和  
節無如此會嘉

贈侯露泉宗相一首

遠甚宜其高賢客樂與之游余愛其英致特贈以言

宗相才傑卓犖意氣慷慨超出時人

我愛露泉子雅宜宗國賓聘祥克甲選服寵  
荷恩綸玉腕纔通籍金章已在身乘龍推上  
客跨鳳美斯人晉代竒中散周家重懿親悅

文敦禮樂耽隱尚松筠義氣干霄漢仁風洽  
比鄰長希蘭相節每望魯連塵門外多車馬  
堂中滿縉紳同懷欽令德嘉會引芳辰交態  
誰能古朋情爾獨醇荆扉朝夕對蘭室往來  
頻書劔應無用琴樽自可因贈言非外獎辭  
鄙意彌真

仲夏同程叅戎遊李氏園亭

近郭園林百畝賒高原陸地俯平沙穿渠引  
水紅泉細疊石爲山翠領斜樹裏樓臺淹落  
日花邊羅綺艷晴霞上公冠蓋登臨盡何似

橋西野老家

巳巳端陽日偶書

時光冉冉劇飛埃過去端陽今又來鏡裏詎  
堪愁鬢改樽前惟許笑顏開符牌畫虎元虛  
謬書帶成蒲孰剪裁不是鄙夫情累盡夜深  
雷雨湛靈臺

贈郭公子西歸

舊守石橋公有遺愛在

去日西河守遺風四紀存口碑傳父老家乘  
表兒孫投刺稱門閥飄蓬歎世屯故交零落  
盡微我復誰論

五月八日園中再讌

重午過三日良遊喜再同景延流俗悵心賞  
及時隆爽吹風翻綠妍華露滴紅真成宴嘉  
樹可使玉壺空

看東家牡丹

牡丹庭館闋芳蕤正是春深著色奇青紫向  
人從拾芥輕盈拂檻胃遊絲香風羅扇歌殘  
處麗日金尊醉倒時何似幽蘭老空谷燕儔  
鶯侶不曾知

仲夏庭榴開盛對酌詠言

庭前有奇樹對此青玉樽芳宴啓炎節流觀  
適晴暎葱蘢碧如染的歷丹若焚色暎珊瑚  
水光奪櫻桃園羅紈搖葉亂茜袖擲花繁霞  
綺正成絢露珠稍已翻幻質委陽燄餘英匝  
苔痕焉知垂碩果而不美靈根華實豈俱散  
榮枯勿復喧自從植欄檻亦是產河崑神理  
若微減吾生寧久存今日當極飲獨醒非所  
論

夏日齋居

空宇獨依依柴門人迹稀日凝槐夏永風送

麥秋微槁火丹無燄茶烟綠有暉食餘分鳥  
雀稍已落禪機

刈麥復無所獲笑而賦之

自笑身爲田舍翁麥收曾遇幾年豐計當十  
斛成烏有力盡三時獲屢空雨露豈私磽确  
處風雲不在坎珂中若教窶者無荒儉沮溺  
當時總未窮

和西臯宗尉見訪北園兼有高詠

長夏端居悶不禁委懷猶自惜餘陰舊行種  
柳垂門密新學栽蓮覆水深物化轉頭驚老

大時流携手笑幽沉憐君避熱還相問一灑  
瑶華振夕林

奉和西園宴集之製

瑤林別是洞天幽不似班生老一立大地鏡  
光融作沼半空霞彩結成樓流風絲管傾凡  
聽過雨烟嵐淨遠眸恠底世塵都隔斷只應  
仙侶占高頭

和東臯宗尉盛夏登北城新樓贈太守

甯公之作一首

高樓一上絕氛炎更覺凌空翠靄添棟彩虹

蝮如欲奮劍華齒苗不勝拈示威逾表重關  
隘設伏應教萬弩潛合是守臣多大略百年  
安攘力能兼

夏日山莊六言

老病不識人間幽栖一片地閑炎飈夜歇高  
樹爽氣朝起西山麥飯炊來香熟石田斫去  
堅頑巖扉只有雲到村逕通無往還

伏日看文苑蓮花

炎暉無可避聊作看蓮遊翠蓋圓逾展紅衣  
淨欲收露傾河女汞風動水仙舟只恐池中

影翻成一片秋

和答趙陽谿使君四月廿七在徐州見

夢之寄

六國時張敏與高惠善每相思便於夢中往往行至半道即迷不知路而迴

別離無想應無夢有夢還愁路不明雲樹可  
遮千里面江河能禦百年情形神靜夜龍山  
合意氣遙天珠斗橫一笑漆園蘧栩處漫將  
塵物等浮生

陽谿寄

終日思君不見君清宵夢裏轉分明關河寧  
阻來時路江海遙憐去國情北極風雲方際



會西山豺虎且縱橫何當迴我邯鄲道洒掃  
門墻盡此生

贈張圖南由臨漳司訓掌教甘泉

漳河桃李下成蹊文館甘泉道復西理士受  
經聆達旨詞人操管待分題槐風帶掃邊沙  
靜杏雨連沾塞草萋莫是一官真冷落門墻  
終日有攀躋

和小村山中秋見寄

脉脉驚秋早沉沉苦晝長迴飈聞葉墜片雨  
覺天涼遙憶山中侶孤蹤雲外翔題詩寄同

社落晚愛榆桑

秋日書感二首

噫氣一以秋卉木無精光萎黃何足嘆貞脆  
具見傷丈夫懷耿介陰賊相摧戕毒螫滿蜂  
蠆及面皆豺狼天道倘可滅聖世容民殃  
秋氣何慘慄白日無光華陰蟲附宵火豺虎  
亂如麻蛟龍竭失水受困蟻與蛇貞士見誣  
辱群小方自誇或矜巧文墨或矜利齒牙悲  
風在珍樹孰知我所嗟

中元令節壽柳川小村二翁同誕

暑就西流火涼生高樹陰露光和月汎蟬響  
帶風沉雲葉天張綺槐花地布金瑤堂通碧  
落朱館對青岑令節中元啓南星此際臨第  
兄嘉旦合德菴慶源深面有丹顏潤頭無縞  
髮侵盈門來鶴馭四座儼蘭襟寶鏡將秋獻  
銀河當酒斟錄傳千歲紀冠挿九華簪竹奏  
蒼龍管絲調紫鳳琴清懷逾白社歡笑灑空  
林即已登仙道方壺何用尋

覽鏡二首

面有慘淡色孰知情寡悰言慙成困悔動省

作貞凶只恐人謀險難爲天道容將因學浮  
海漭沈竟誰從

端居意不釋焉有好顏容鏡裏人先老窓前  
樹尚濃急颺凌夕鳥繁雨亂秋蛩政自獨多  
緒寧堪觸景重

短歌行

在文苑清君作呈郡博張十洲

置酒清君我歌以嘘天道幽渺人事齟齬善  
惡云報禍福每愆淑慝云別彰瘡則偏翼虎  
在邑枝蛇在野鷓鴣爲鸞慶曆爲馬夸毗變  
戾鬼神莫貞兇頑回惑賢聖靡程文王明明

愠于群小仲尼遑遑阨于周道胡寧我躬閔  
侮不臻怨固叢敵德奚寡鄰曷維其志不如  
飲酒積憤成癆亦復何有我思在昔爰契我  
心作者七人于彼竹林

十洲和

世事何居閑念起噓薰猶品錯飴薺齒頰  
回盜飯簧口之愆不疑竊金貝錦之偏爲龍  
爲鳳率彼荒野如鬼如蜮蕃成錫馬所賴君  
子素履以貞其惟先哲大猷是程泰宇爲大  
滄溟爲小感遇付時責成付道面唾自乾象

妙攸臻狂生不忤聖徒斯鄰太白之詩淵明  
之酒得也非無失也非有緬我文師妙契此  
心尚友古人傲寄平林

七月十五日清醮呈郡博張十洲先生  
佛氏祇盃蘭道家虔玉京共以中元令同持  
上善情上風沿宿昔撫景肅齋明萬寶證華  
實兩儀澄濁清金繩界壇道瑤席展精誠妙  
香瓜果外奇味海山并羅列允珍麗裸將何  
屏營仙盤玄露湛神鼎紫烟昇伏蒲陳所願  
未言棲已悻四靈寂郊藪群猛浩縱橫禍福

久茫昧善良脊北傾冥冥倘終鑑拯苦達寃  
生

十洲和

射策首仙侶鳴珂遊 帝京應此綠中果閱  
盡世間情急流心勇退爽氣眼徧明幸際太  
平世矧繼節序清佛說孟蘭會道薦紫霄誠  
武將斯理味元與吾儒并參玄探實際奏假  
濯俗營智劍劈煩惱慧燈照悟昇慈航岸克  
到苦海波自憚山鬼窮伎倆豺虎任縱橫丹  
衷已披瀝蒼冥諒可傾大道通三教高人達

此生

驚秋一首

一片新秋何處生露團雲白暑氛澄鏡中空  
碧川光映畫裏曉嵐山氣明木葉漸隨流籟  
響草蟲齊傍擣衣聲此時坐卧誰能定除却  
無心盡有情

月蝕後書感

門種先生柳家藏太史書將爲君子遜不學  
小人儒朱鳥還傷尅蒼天定有無夜來看月  
蝕變似暗投珠

林君即事一首

戰勝有餘樂自惟良已多池蛙喧鼓吹林鳥  
疊笙歌飯客聊鷄黍惟門滿薜蘿少無經世  
用垂老幸閑過

理北園作

心累何時盡閑君亦有營看山移閣就引水  
鑿池成花裏叅榮悴酒中研濁清無為一邊  
事深謝古先生

汾上贈孝廉何竹窓先生

故禮部尚書文定公以清德儒臣著名當世

少拙緣私喜退藏優今年瓜熟同君玩莫說  
東陵是故侯

答南陽長老持山果見壽

山僧不厭人間世還把菴羅餽賤辰俗眼每  
看成外道禪心久許契吾真稍畱香飯嘗新  
黍共對秋雲笑此身歸去莫令時節換菊花  
猶待往來頻

題贈清溪宗尉石洪山莊二首

湛湛石洪水平平綿上田耦耕非吾事高謝  
古人賢屋遠扶踈樹池籠縹緲烟漁樵相問

罷閑拱夕陽邊

豈無北里好獨守東臯耕黠眇紫芝想蕭疎  
白雲情結茅倚山靜坐石臨水清哲代韶時  
略只應閑此生

積雨背郭園居二首

連陰迷晦朔積雨亂昏明樹染深秋色蛩悲  
薄暮聲布衾寒自擁苔逕滑難行焉用憂成  
老將因達此生  
今雨復誰來荒庭滿綠苔楊朱興浩歎墨翟  
動長哀南北徒爲爾蒼黃何有哉惟應抱幽

獨坐對不然灰

謝東府宴一首

西園秋色裏賸有好筵開玉樹懸金葉冰壺  
瀉露杯鄴中飛綺蓋梁苑集文才往事俱陳  
矣茲游復茂哉

喜陽谿戶部分曹事竣過家省覲因贈  
五言二律

司計足公期到家安毋慈皇華瞻使節彩服  
見光儀義用丹誠盡仁由素履推那同濮陽  
騎盛向汝南馳

孝德邦惟懋文思國有華神明通善行詩賦  
藹名家任意榮三釜歸心戀九霄寧知金鉉  
待將爲草黃麻

酬陽谿先生以詩見壽用原韻四首

時俗眇衰賤生辰愧酒筵况當多難日猶阻  
太平年故舊還憐此存期尚宛然一九銷積  
疾恍已遇神仙  
喜到龍山駕忙開鷄黍筵清言淹永夕重感  
別經年菊圃畱花看茶爐掃葉然已如方外  
侶只是未成仙

一語破苦惱俄登歡喜筵壺中瀉甘露鏡裏  
換衰年神火得長照心灰豈復然登山謝朓  
題平地有真仙

荆扉衰柳暹霞館菊花筵冷落悲前歲歡娛  
復此年秣緣千里駕相對一燈然太息人間  
險將因去學仙

喜陽谿員外以九月一日過汾見訪

別經二載遙相憶歸近重陽若有期見面並  
先庭樹老真心都破海鷗疑晴暉翠領開桑  
落佳色黃花折橙籬借問故園携手好何如

戲馬望鄉時

次韻九日登北城新樓呈邾田相公  
雉樓茗蔕此雄州嘉節登臨是勝游萬隊旌  
旗寒色動千家砧杵夕陽浮黃花有酒舒長  
嘯紫塞無煙豁遠眸樽俎折衝人靜定滿城  
車馬自如流

奉壽趙母太老夫人時令嗣陽谿君省  
觀

阿母高堂喜氣新慶餘光景悉來臻身登壽  
域儕金婺兒轉仙班侍玉宸祿養膳羞歌

潔白淑儀州里頌慈仁萬年杯捧南山祝共  
羨萊衣悅老親

九月十九日培菊因憶雲溪老人嘗餞  
菊歸籬創意殊絕斯及之焉

皇天有意人間世四序平平分與之物各賦  
其物隨事還順施春物駘蕩夏富繁綠岸青  
郊紅采園貴游熱客車如流水馬如龍欵來  
騁望相攀翻戎當君苦空編籬種菊廬其中  
種早開後遲木落水波霜露濛雷收其聲火  
藏烈炎炎者熄夷隆隆拔槁焚枯問欲絕的



歷皎然開一叢此花真可貴皇天以補幽人  
窮吾聞天地閉塞賢人隱貞弁可令荒草并  
盆移案列謹呵護恐被村童悍婢殘始英又  
聞老子言歸根曰靜靜復命即因刊落守靈  
根仍以栽培厚真性托土欲深封欲嚴涵水  
欲濡安欲定爲何珍重出尋常精和稟純三  
正光金玉爲苞翠爲葉瓊碧引枝凝妙香發  
藻乾坤殿清節斂形龍虎潛黃房記得雲溪  
叟臨風起高趣云當玩賞餘合有餞歸醕今  
日舉觴嗟共誰只應九華開謝不爽歲寒期

暮雨蓬蒿園作

一室蓬蒿掩栖遲笑屢空詩書堆案上山水  
落琴中今雨心無限寒雲跡稍同群陰方剥  
落幸自保微躬

喜四明呂徵君自上黨來汾見訪

有美東南彥無期西北遊潞郊芳草晚汾水  
白雲秋倒屣迎三選開林坐一丘清言時領  
略江左舊風流

邀呂徵君次園中二首

庭前落木亂成堆迺裏蓬蒿掃不開獨有寒

松帶空碧孤雲遠影鶴飛來  
堂名背郭巷稱窮路絕人稀是此中不合臨  
空起書閣賺來霞海杖藜翁

再贈呂二山人

四明狂叟昔稱賢再出逸人今儼然  
瑤草沃洲書著處赤霞臨海杖遊邊  
琴中山水音常絕壺裏乾坤趣獨玄  
我守空林歲云暮喜逢傾倒菊花天

比神不旺數夢見鬼物就於夢中紀夢  
爲六言者六寤而思之亦恠矣常惑王

文考鬼賦今乃信之

醒怕貪狼獠犬夢遭封豕長蛇幾處飛沙吐  
氣一群吮血摩牙

一念羞人倂憊終宵夢鬼嘍囉若使東方不  
曙將無魘殺維摩

曾見鬼王圖相非如夢裏搗虺舞爪張牙鐵  
面提刀把筆銅頭

清晝木人持杖黃昏山鬼嘯梁在昔嘗聞有  
此今宵夢在我傍

蒼白原無借杵鼠窠那有乘車近日世情顛

倒夢中栩栩蘧蘧

檄文可驅瘡鬼夢賦能掃非祥不若九天爲  
正萬里誅妖電光

謝甬東題園景十二詠二首

小園分景太參差一寓閑心任所之恰似月  
明隨處著萬山千水不曾離

此景被君題得破何曾清意少人知天寒潤  
筆無它物只有庭前栢樹枝

邗田相公誕辰適當奏凱賦以爲贈

上公行省慰民思荒歲兵連撫且緩蕩滌頽

苛存本實訓停征繕有機宜嚴城利建增高  
日祥旦欣逢奏凱時野老報稱歌樂壽南山  
詩裏萬年期

卜亭行

憶昔先師道不行七十二賢皆守經大者散  
爲侯國師小者宰邑餘飄萍當時魏文頗重  
道其師卜商抱道西河老玉韞自然山有暉  
至今山以下爲寶此山峯嶽橫地維綿亘百  
里深委蛇中有石室似天造要令文儒隱在  
茲文儒化去二千載空山只有白雲在隱隱

書帷挂薜蘿茫茫古道來樵採王官張子振  
遺躅結草爲亭傍山曲命名取義象先賢思  
義顧命美可續學禮攻詩早貫穿摘篇灑翰  
復殫研奮飛有時適不遇退藏猶得保林泉  
林泉一片好閑地高卧不減羲皇世聖門師  
弟且遑遑咄嗟我輩成何濟綠壑丹巖無垢  
氛碧樹珠泉風雨聞醉來大嘯呼猿鶴靜後  
一心窺典墳温飽亦不缺朝霞可餐蘭可結  
鍾鼎萬戶食銀黃三組榮回首可憐要領絕  
我觀張子毛骨竒頭圓耳闊神仙姿不礙曳

裾爲吏隱大隱小隱誰能知畱侯辟穀從赤  
松果老下山騎雪龍二翁風流遊哉邈矣隔  
霄漢子爲苗裔可能夭矯躡華宗

初寒擁爐酌呂二山人并竺陽諸公在

虛白齋作

青霜塗瓦上白雪帶林邊與客圍爐坐呼童  
掃葉然芋煨三昧火茶煮陸家泉復有杯中  
物流温酌煖烟

齋中再集擁爐酒不殫興戲用前韻

歲華搖落盡深雪冷無邊虛室生雲白窮薪

抵桂然欣逢人似玉愧乏酒如泉第學求似  
侶丹爐守絳烟

答人問疾

高齋卧疾疾非虛試把吾生說向渠草木變  
衰春意盡齒毛垂朽世情踈腰纏索帶疼何  
得脚躡芒鞋痛不除自是化工頻作弄老牛  
撐扯破柴車

詠史

建元事招選平津亦延賢正直皆遠斥所延  
誰復然引用刻薄吏文法輔威權誅殺枉天  
道禍機不踵旋舉措業已爾經術有其愆徒  
將矯情儉豈救阿世偏

病中偶成

纔占百年多一半已分諸疾兩三停不嫌帽  
底頭增白祇恐窓前樹失青久識小兒爲造  
化常疑老子鍊精形流沙一去無消息何得  
人間有壽星

三次擁爐疊用前韻

天寒初雪後人語夕陽邊落葉風皆盡空齋  
火獨然揚巾掃塵榻持綆汲華泉同病來同

隱蕭條遠市烟

酬呂微君數來問疾

空齋卧疾餘復此苦寒日賴有山中人每從  
林下逸圍爐意轉溫對酒情逾密方藥問討  
論因知達生術

喜陽谿再過見訪

歲晏荒山下蕭條只草萊形如將夕照心比  
不然灰古道冰霜斷寒簷烏雀回故人還問  
訊驚喜一銜杯

至前宴集趙陽谿戶部用韻東韻

終日柴門掩今朝草閣開祗緣千里駕端爲  
故人來舊雨憐簪盍新陽動瑄灰省郎多道  
氣詞客盛仙材調古朱絲直宵深絳蠟陪方  
當笑前輩興短勒舟回

冬日宴趙陽谿復移小齋夜坐得六言  
四句二首

白首相逢素交玄冬盡醉醇醪坐嫌西堂日  
短移就東齋月高  
爛熳夜遊秉燭綢繆晝短携樽目前偶爾自  
適身外都無可言

海好希  
至日二首

老去逢長至猶能學謹微  
天心存默眇吾意在幾希  
關路行當閉齋君坐豈遠  
明窓何朕兆野馬作塵飛

動物重淵起知幾子夜存  
象先開玉籥妙有達玄門  
出地冰霜凜迎陽鳥雀喧  
下帷多日影一線未須論

詠呂山人酒歌

似向箕山拾得疑從顏巷  
分來青天邀月引滿碧海  
凌風醉迴

玉液淋漓小勺金波穆穆  
盈斟飲知浮世清濁量見  
滄溟淺深

壽王北野

人間無處可同群獨有深  
山住近君容髮漸隨蒲柳  
敗襟期常惹蕙蘭薰來尋  
一徑兒童喜去隔前村鷄  
犬聞每到壽辰偏鄭重儘  
教潦倒醉寒雲

和呂二山人夜吟一首

向夕空園裏幽懷一種平  
霜飄寒宇白月灑凍林清  
愛景披衣立絨情踏葉行  
從來拋寵

辱獨影自無驚

宿陽谿西郭草堂

時己巳仲冬十有六

望美茲堂久何緣遂宿之星文羅洞牖月彩  
散踈帷煖席春疑早延宵曙欲遲將因一晤  
重投老百年期

阻雪懷呂山人兼索詩

俱對山齋雪應同歲暮心猶憐一城阻空望  
兩相尋玉樹生蘭席瑤華惹蕙襟無爲慙下  
里不作郢中吟

送大叅知邳田孫公入賀

仙曹畫省出名藩十載深銜紫禁恩嵩祝今  
趨雙鳳闕日華重覲九天門喜逢堯曆開昌  
運會見虞庭舉納言祖道飛鴻時極目春風  
倚馬立郊原

敘舊呈馬北崖先生

相知二十載心密形影踈非自一權阻良由  
兩索君索居日已老離愁不可道缺月挂空  
林東風汎芳草芳草歇多時寒雲滿故籬方  
當憐歲晏之子忽來茲來茲遂來晤携手悅  
情愫無遽返東山依然隔烟霧



臘月廿日與呂山人程逸士迎春霞館  
青陽獻歲新白髮增年老時物兩驚心臨觴  
一杼抱少壯已蹉跎胡今不潦倒猶遵擊壤  
餘倚杖東郊道卉木吐林榮嚶鳴變谷鳥雖  
牽耳目營不爲心志擾海客來瀛洲談玄肆  
幽眇柔颺倏起予翻然在霞表衰賤匪吾玘  
盛貴非我寶

臘月廿四日壽乾石弟

一官坎壈道成非五畝棲遲志不違樹種青  
臯桑葉暗田開白水稻苗肥詩書侵曉聽兒

讀茅竺翁陽看牧歸歲杪天倫還樂事南山  
春酒宴晴暉

題梅竹圖爲壽二首

生日不逢桃李時雪梅冰竹兩三枝暗香苦  
節無人會畫出歲寒君始知  
今年春早在嘉平似是東皇却有情竹葉放  
將寒醞綠梅花開出冷齋清

立春後六日壽呂山人

時十二月廿七日

紫氣來仙日青陽獻歲時大年起鳳紀高世  
戢鴻儀桐竹書留著雲山酒共持冲襟諧谷

羽芳翰藻林枝禮展光華旦詩申祀李詞義  
因然諾重道在久要期壽命逾金石蟬蛸安  
可知

和呂二山人除夕寫懷

山閣題詩幽思清不勝今夜獨多情燭華然  
臘杯前盡雲色催年座裏更結社將留空谷  
住懷鄉欲瀉大江行刻雪寄語東風道慢著  
天涯綠草生

己巳稿終